

# მშპმპპმპ

№ 19

მ

ა

თ

რ

ა

ს


ი

1917

შინაარსი. პატარა ფელეტონი—მოჩივლი. თათბირი—  
ეშაკი. კულა ხარს—ი. ტოფაძე. კომისართან—კოლო.  
არაჩვეულებრივი პროფესია—თარაში. შარადა—კანი. თხოვ-  
ნა—ძაშია. სადღესო კუპლეტები—კირკა. პარტიული იმი-

ტაცია—გურული ბიჭი. რა ღღე, ღამიღა—ხვახუნოვი.  
მოწყალეო ხელმწიფეო—ფოსტა—ე—კი.  
ქარაქტერული. უმაღლესი მთავარ-სარდალი. ღიღუ-  
მალი ხმა. უხრუნველყოფა. ერთი მათგანი.

## უმაღლესი მთავარ-სარდალი



ო. ი. მლინგ.

მეგობრებო! წინ, წინ წამოდექით! თქვენი უმანკო სისხლის მსგელო ვიყო,  
თუ თქვენთან ერთად მეც არ დავიღუპო.



# პატარა ფელეტონი

## თეთრი მინდორი

ეს ამბავი სწორეთ ერთი წლის წინათ, შარშან ამ დროს, მოხდა.

როდესაც რედაქცია ელირსა „ეშმაკის მათრახის“ მეცხრამეტე ნომრის მიღებას\*), ყველა რალაც მოულოდნელმა საშიშროებამ შეიპყრო. მართალია, სარედაქციო შტაბი უკვე მზათ იყო მოწინააღმდეგეთა თავდასხმის მოსაგერებლათ, მაგრამ ყოველ კვირულ ბრძოლის შედეგს მაინც გამოურკვეველის შიშით მოელოდა.

— ამხანაგებო! გაარღვიეს ფრონტის მოწინავე ხაზი!..

მრავალ მნიშვნელოვანად იტყოდა ხოლმე მთავარ-სარდალი ჩვენი რაზმისა, როცა მოწინავე წერილში შიგა და შიგ თეთრ უჯრედებს ნახავდა.

— არა უშავს რა, ზარალი მაინცა და მაინც დიდი არ არის, — შენიშნავდა რომელიმე წევრი რედაქციისა, — მადლობა ჯოჯოხეთს, რომ სრულად ვერ დაიპყრო მოწინავე ხაზი. ამ შემთხვევაში ადვილია დანაკლისის შევსება სათადარიგო რაზმიდან.

ჩვენ ბრაზსა ვგვგრიდა უმთავრესად ის გარემოება, რომ ჩვენი მოწინააღმდეგე წითელი კარანდაშით იყო შეიარაღებული, როცა ეს ფერი სრულიად არ შეესაბამებოდა მის მსფოლომხედველობას. ჩვენ შეგვეძლო მისი მოგერიებაც და სტრატეგიულ ბრძოლებში მისი ყინულზე გატურება და შერცხვენაც, მაგრამ წაგებული ზარალი მას ბრძოლის შემდეგაც შეეძლო მოკავშირეების საშვალებით აენახლაურებია. ასეთი უთანასწორო ბრძოლა გვიხდებოდა კვირიდან-კვირემდე და ამიტომ გასაკვირიც არ არის, თუ რისთვის მოველოდით შიშითა და გულის ფანტქალით ბრძოლის შედეგებს.

ასე იყო შარშან დღეის სწორსაც.

— აულიათ!

— აულიათ? რას ამბობ ბატონო?

— მტრის ხელს აულია მთელი მოწინავე რიგი ჩვენი სანგრებისა! — წარმოსთქვა განსაცვიფრებელის სიღინჯით ბ-ნმა ეშმაკმა.

ჩვენ ცნობის მოყვარეობით დავაქცერდით ბრძოლის ველს, რომელიც გადაქიშული იყო ჟურნალის ფრონტის მეორე, მესამე და მეოთხე სექტორებზე. ჩვენს წინაშე თვალუწყდენელი თეთრი მინდორი გაღიშალა.

იქ, სადაც ასეთი საშიშარი ბრძოლა, ასეთი ძალმომრეობა და მტარვალური თავდასხმა მოხდა; იქ, სადაც ათასმა და ათი-ათასმა მართალმა სიტყვამ დასლო თავი, იქ, სადაც სამკედრო-სასიცოცხლოთ შეებრძოლა სიმართლე ბოროტებას, მხოლოდ თეთრი მინდორი დარჩა, მხოლოდ თეთრი მინდორი და სხვა არაფერი!

ბ-ნმა ეშმაკმა შენიშნა ჩვენი უზომო მწუხარება სასტიკი დამარცხებით გამოწვეული, შედგა საწერ მაგიდაზე და ცხარე სიტყვა წარმოსთქვა, რომლის მრავალ მნიშვნელოვანი დასასრული არ შემოიძლია აქ არ მოვიყვანო:

— ამხანაგებო! ძირს ცრემლები! ჩვენ, რომლებსაც გულზე გვაწერია ძვირფასი მასწავლებლის სოლომონ ზურგიელიძის სიტყვები:

ხან ის იმარჯვებს, ხან ესა,

ბუნების არის წესიო,

თავისუფლება რომ მოვა,

ცენზორსაც ბოლო მოედვის“

არ შეგვეფერის გულის გატება და წუწუნი. სამას სამოცჯერაც ვერ მოასწრებს მამალი დაყვილებას, ვიდრე საათი ჩვენი გამარჯვებისა დაჰკრავს. გამხნვედით!“

და აი, დღეს, შარშანდელი სასტიკი ბრძოლის წლისთავზე ჩვენი მოწინავე ფრონტი კვლავ აღსდგა. თქვენ შეგიძლიათ დააფასოთ მტრის ვერაგობა, რომელმაც პირწმინდათ გაანადგურა ეგზომ გამაგრებული საფარი.

მორიელი.

\*) შემდგარია სსზოგადრებაში გავრცელებული აზრით, თითქმის „განათლების“ კანტორა შარტო ხელის მოშწერლებს უგვიანებდეს და აკლებდეს ჟურნალ-გაზეთებს. დაიხ, ეს შენდობა და ცილისწამებაა. ჩვენ შეგვიძლია დაგამოწმეთ, რომ აღნიშნული კანტორა ასევე ეპურება ზეჰს რედაქციასაც.



# თ ა თ ბ ი რ ი

(ძველი არაკი)

ვინ იფიქრებდა, თუ შარშან ამ დღეს  
ტრადიკული სიკვდილით განსვენებული  
მინა ეშმაკის „თათბირი“ ეგზამ ადრე  
აღსდებოდა შევდრეთით? არავინ.

მაგრამ რას იზამთ, მხსნა ის, რაც  
უნდა მომხდარიყო. ტვევლათ ხომ არ  
უთქვამს ბრძენს:

„ბედისა ჩაჩხი ტრიალებს,  
ტრიალებს გამალებული  
წინანი უკან რჩებთან  
უკანანი კი წინ მიდიან“.

ს. ზურგიელიძე.

ბევრი ამბის მოწამე ვარ...

აღბათ ბევრსაც

მოვესწრობი.

(თუ „გაბრიელ“ არ მეწვია

ის, სიცოცხლე გასაქრობი).

მაგრამ ერთხელ რომ ვიხილე

მე ამბავი

გასაკვირი,

სხვას, მის მაგვარს

ვერსად ნახავთ,

თუნდ შემოვლოთ ქვეყნის პირი.

ტყეში გახლდათ მოქმედება,

იქ, (მხეცების სამეფოში)

სათათბიროთ

შეყრილიყვენ,

ასტეხოდით სიტყვის ხოში.

თავმჯდომარეთ დათვი იჯდა

ბანჯგვლიანი,

მყრალ-უხეშა.

მტვრევასა და დატორვაში

სიყრმის დლიდან

დანაგეში.

იჯდა, როგორც ეკადრება

იმა უბნის

ტყის მბრძანებელს

და ალერსით უღიმოდა

თანაშემწეთ

მდგომარე მგელს.

მგელი იგი,

რუხი მგელი,

კბილ ნაკვეთი აღმასისა,

გულ მრისხანე

მოურავი

უბელური იმა ტყისა,

თვალს მსუნავათ აცეცებდა

შურიანს და

ცეცხლოთა მფრქვეველს,

თითქო სჭერეტდა მის გარშემო

ამ ქვეყნიურ

სასუფეველს.

მიდინათ იჯდა მელა-კულა,

ის მოქნილი

იფნის ტოტი,

ანგელოზის სახეს ჰქმნიდა

მატყუარა,

გულ-ბოროტი.

მოხდენილი კულის ქნევა

და ღიმილი

(თაფლის წყარო)

ცხადად ჰყოფდა,

რომ ქვე-ქვეშას

წამი ედგა სანეტარო.

იქვე ისხდენ სხვა მხეცებიც:

ტურა,

მაჩვი,

თუ აფთარი,

(ვისაც ტყეში სანავარდით

უბანი აქვს საკუთარი)

აქ ნახავდით უკლებისათ

ნადირს ტყისას

თითქმის ყოველს,

მაგრამ ცენზით: მარტოოდენ

ხორცის მჭამელს,

სისხლის მწოველს.

ტყე უღრანი გუგუნებდა

გაზაფხულის



ტკბილი ღიმილთ,  
მზის ვარაყით განაფერი  
განზანილი  
ნელის წვიმით.

შორს-კი, სადღაც ცის კიდურზე,  
მთას ღრუბელთა  
ედგა თექა,  
და ხანდასმით, იმ ღრუბლებში  
გაისმოლა  
გრგვინვა, ქექა.

გამოჰკრთოდა იმ ქუხილში  
შორი რისხვა,  
შორი ზარი,  
თითქო ბრძოლად გასულიყოს  
ანგელოზთ და  
ეშმაკთ ჯარი.

და ამრიგათ განწყობილი  
გული ტყის და  
ცისა პირი  
იყო სახე საკონტრასტო,  
სად ხდებოდის  
ის თათბირი.

აღსდგა დინჯათ დათუნია,  
მქვერ-მეტყველი  
ლაღი, სრული  
„ცხოვართა შეგბედისაგან  
უზომოთ გულ  
გაბასრული“,

და წარმოსთქვა მტკიცეთ, დინჯათ,  
დათვურ რიხით,  
გაბედულათ:  
— ბატონებო!  
არ შეგვეშვენის

ჩვენ ცხოვრება აღრინდულათ!  
ცხოვართა მწარ უბედობა  
აღონებს თვით  
ტყეთა მეფეს,  
და გვაღალებს მოშავლისთვის  
სანოვაგეთ  
სიიეფეს“.

მქუხარე „ტაშ“ — „ურა“ იყო  
ამა სიტყვის  
მუნ პასუხად.

(ხმა და თათნი არ დაზოგეს  
ყურთა სმენის შესაწუხად).

განემორა თავმჯდომარე.  
მგელსა დარჩა  
კრება იგი,  
და რამეთუ მისი იყო  
საპროგრამო  
სიტყვის რიგი,

წამოიჭრა, ვითა შლეგი,  
აღმასოვან  
კბილთა ღრქენით,  
და დაიწყო ნამდვილ მგლურთ  
უხეში და  
მკვახე ენით:

— რომ მიზანი არ იცოდეს  
დღევანდელი  
კრებულების,  
მე თქვენი შორის ეგზომ ბრიყვი  
არავინ არ  
მეგულების.

ჩვენ ცხოვართა გასაქირმა  
მოგვაშორა  
ოჯახს, კერას,  
და წამალიც უნდა დავსდოთ  
დღეს მათ ტანჯულ  
ბედისწერას.  
ვინც რა იცის ამ საგანზე  
აქ აშკარათ  
აღიაროს,  
რომ თათბირმა უწინდულა  
უქმათ აღარ  
ჩაგვიაროს.

ბატონ მელას ვაძლევ სიტყვას“.

მელა ადგა  
(კულის ქნევით)  
ცალი თვალი ქვესკნელში აქვს,  
ცალიც აღუპყრია ზევით.  
იგრიხება როგორც თასმა,  
როგორც შოლტი,  
როგორც ღვედი,  
(იმან უნდა გადასწყვიტოს  
ჩჩვილ, უმანკო  
კრავთა ბედი!)



ენით ბაგეს მოილოკავს  
 ნაზათ არხევის  
 კულს ბეწვიანს...  
 (ვინ იფიქრებს, თუ ის გულში  
 განიტარებს  
 ვისმე ზიანს?!)  
 გადაჰხედა იქა მყოფელთ  
 ნაზი ხედვით,  
 ტკბილ-გზნეულით  
 და დაიწყო „მოხსენება“  
 ხმით მომხიბლავ  
 მიღეულით:

— სხივი მზისა გაგვიგრძილა,  
 და გაუკრთა  
 სახე შთვარეს,  
 გაიცარცვა შთა და ბარი  
 რძე გაუშრა  
 მთის მდინარეს.  
 დასტკნა მდელი, მინდვრის ბაღასს  
 ველარ აძლევს  
 მიწა საკვებს,  
 ყვავილსა და ხავერდის მოლს  
 ის აწ ჩვენ ვერ  
 დაგვანახვებს.  
 და ცხოველთა გასაქირიც  
 დღეს ენით არ  
 გამოითქმის:  
 გამვალტყავდენ,  
 გადაგვარდენ,  
 და მოისპენ სრულად თითქმის.  
 ჩვენ ვალად გვძევს, ბატონებო,  
 მოვიგონოთ

ქრისტეს მცნება,  
 „მოყვასთათვის თავდადებს“  
 რაიც ნათლად გვეუბნება.  
 გამოვნახოთ საძოვარი  
 ცხოვართა მათ  
 გასაშვებათ...  
 ნუ თუ ხოცი არ გპირით  
 ჯალაბობის  
 გასაკვებათ?  
 თვით ბნელია, ხალხი იგი,  
 უსწავლელი,  
 ყრუ, უენო,  
 და სამართალს ითხოვს ჩვენგან  
 მოწყალენო ხელმწიფენო.  
 მაგრამ, რადგან კრება ჩვენი,  
 კრება ესდენ  
 რიცხვ მრავალი,  
 ვერ გაიგებს, საით მიდის  
 კითხვის ასავ-დასავალი.  
 უმჯობესად მიმაჩნია  
 დავნაწილდეთ  
 მცირე ჯგუფათ  
 და გულდასმით განვიხილოთ  
 რაიც თითოას  
 გვხედეს ულუფათ“.

დაუჯერეს მელა-კუდას  
 და დაიყვენ  
 კომისიად,  
 რომ განსაჯონ: „ხორცი ცხვრისა“  
 ნაღდათ სკამონ თუ ნისიად.

ეშმაკი.





## კუდა ხარს.

(კ. მაყაშვილის საყურადღებოთ).

კუდა ხარო! ჯერ გაწამეს,  
ახლა კი ნიშნს გიგებენ!..  
ათასნაირ კორს გითხზავენ—  
ქკვაზე გარიგებენ!  
შენ ხომ გახსოვს, მრავალ ტანჯულს,  
იმ ქოფაკის ძალა?  
შენს ნაშრომზე რომ ღხინობდა,  
კუდიც მოგათალა.  
და როს იმას ხელთ დასძევრი,  
ნახე შენი ბინა,  
მაშინ შენი ბატონის გულს  
კმუნვა მოებჯინა.  
დღეს ცილს გწამებს: „ნესტანს წუნობს“,  
ეტრფის სხვის „მედღუზებს!“  
მას თვითონ სურს თაფლის ღოკვა,  
შენსკენ უქშევს ბუზებს.  
ხალიჩებში „ნესტანს“ დასვამს,  
გიტყუილებს ახლო;  
ქედს დაგადებს რკინის უღელს,  
გეტყვის: „გასწი ძაღლო!“  
რა გაქვს მასთან შენ საერთო?!  
შენ, საბრალო კუდას,  
ვინც „ნესტანის“ სახელითა,  
ვაჭრობს, სულს გიხუთავს?  
შენ ყოველთვის მასთან მიდი,  
ვინც გიგერებს ბუზებს...  
მოიკრიბეთ ყველამ ძალა  
და ებრძოლეთ ტუზებს!..  
ირ. ტოფაძე.



## კომისარი

დიდძალი საქმე აქვთ  
დღეს კომისარებსა:  
თავი რო გაართვან  
მუშებს და ჯარებსა.  
მათ უნდა უწამლონ  
სიძვირეს, შიმშილსა  
არავგის ერისთავს  
დღი. ქიაბრიშვილსა.

ემშაკთან მოდიან  
ურიცხვი პირები,  
რომ უთხრან თავისი  
მას გასაჭირები.

### დ უ რ ბ ა ლ ი.

ბატონო კომისარ!  
ძვირფასო ნათლია!  
მიშველეთ როგორმე:  
ლურსმანი მაკლია!..

### მ უ შ ა კ ი.

თუ გოჯზე მცირეა  
იმისი სიდიდე,  
წა პირველ ფურნეში  
და პური იყიდე.

### მ ი ჩ ი მ მ ე.

ძვირფასო კომისარ!  
გამიცვლა წაღები...  
ტყავი მსურს ვიშოვნო  
მე გასასაღები.

### მ უ შ ა კ ი.

შენ უნდა აი იმ  
ფურნეში მიხვიდე.  
იქ პური ექნებათ,  
ის პური იყიდე.

### მ ი ბ ა ლ ე.

კომისარ, გეთაყვა  
მთელ ბაზარს ჩაყვევი,  
„მაჩალკა“ ვერ ვნახე  
მე ვაზის სახვევი.



**ე შ მ ა კ ი.**

თუ დღესვე გჭირია  
დრო დასაშურია,  
მიდი იმ ფურნეში  
იყიდე პურია.

**მ მ თ უ ნ შ ძ ე.**

გაძვირდა, კომისარ!  
სპილენძი და რკინა.  
მიშველე როგორმე  
დამიდგა მაშინა.

**ე შ მ ა კ ი.**

მახარებს, ძვირფასო,  
შრომა თუ გწყურია.  
მიდი იმ ფურნეში  
იყიდე პურია.

**მ მ კ მ ე ლ ე.**

კეთილო კომისარ!  
მწამს დამეხმარები,  
მიშოვნო იქნება  
დამპალი მხვარები.

**ე შ მ ა კ ი.**

ვეცდები, კეთილო,  
გცე ძმური ნუგეში  
წა, პური იყიდე  
აი იმ ფურნეში.

გაპკვირდენ უზომოდ  
მუნ საქმის მთხოვნელნი,  
მიდიან ფურნისკენ

უსიტყვოთ ყოველნი.  
იყიდეს რას ხედავს  
იმათი თვალეში??

**პურშია ყოველი  
მუნ მონათვალეები.**

პურშია ჩამცხვარი,  
ვისაც რა სჭირია:  
აგურის ნატეხი,  
თუ წინდის — ჩხირია.

პურშია ვირთაგვა,  
კალოშის ნავლეჯი,  
იქვეა ფილთაქვა...  
სხვა ბევრი ავეჯი.

იქვეა ჩამცხვარი  
სხვადასხვა მწერები,

სახვევი ქალღი  
შავ ჭანაწერები.  
პურშია საბანი,  
ბალიში, ლებია,

ცხენის ყბა, კბილები,  
თმის კულულებია.

პურშია... მაგრამ ეპ,  
ვინ მოსთვლის ყველასა  
პურში რო იპოვით  
თქვენ ნივთის ძველასა?

და როცა ყველა ეს  
მათ დავსურათა,  
მიხვდენ პურს ეშმაკი  
ურჩევდა თუ რათა!

კოლო.



**არაჩვეულებრივი პროფესია.**

**I. შარშან.**

ყველაფერი გამოიცვლა. ყველაფერს დასდო  
თავისი დალი ჩვენმა დრომ. ირგვლივ არ ხედავთ  
ადამიანის წინანდლო სახეს, ის მოღუშულია. ომის  
ქარცეცხლმა ყველაფერი დალურჯა — შავად შეს-  
ცვალა.

მაგრამ არ გამოცვლილა ერთი ჩემი ნაცნობი  
აზნაური. იგი, როგორც წინად, ხელ გაშლილად  
ცხოვრობს, როგორც წინად ცნობილია ძველებუ-  
რი სტუმართ-მოყვარეობით, და ძველებური უმაგა-  
ლითო ნადიმები შეუწყვეტელია მის ოჯახში. ახერ-  
ხებს კი ყოველივე ეს მოათავსოს ჩვენი „ძველი  
წესის“ საზღვრებში, თუმცა ხათრი განსაკუთრებით  
ისეთ პირებთან აქვს, რომელთაგან „რასმე გამოე-  
ლის“.

— კაცისთვის არაფერი დამიზოგებიაო — ამ-



# ზეა იღუმელი



ზიო

მილიუკოვი. ზეა თითქოს სანატრელია...  
მაგრამ ბორკილი ძნელია.



## უზრუნველ ყოფნა



რუსეთში ძველი რეჟიმის დამსობის შემდეგ მოქალაქეთა მშვიდობიანი ცხოვრება საფსებით უზრუნველყოფილია. ამის დამატკიცებლათ თქვენ სძირად შესვლებით გულის ამარუებელ სურათს, ქუჩის ურად მოთამაშე ძილიციონერებისას. გაუძარჯოს თავისუფლებას!



ბობს ის ჩვეულებრივად და მართლა არ არის ჩვენს მაზრაში ისეთი მოხელე, რომელსაც არ მიუერთებია მისგან სამახსოვროდ: თოფი, ცხენი, ან რამე „ღირს-სახსენებელი“.

მაგრამ სამაგიეროდ არ არის ისეთი მოხელე, რომელიც ხათრს გაუტეხს ჩვენს კეთილ შობილ აზნაურს და ამაშია სწორედ მისი მნიშვნელობა ჩვენს მაზრაში!

თუ ვისმე ჩამოართვა პოლიციამ უმოწმობო იარაღი ან ნაქურდალი ცხენი, თუ ვინმე დააპატიმრა—ყველგან მშველელი ეს პატიოსანი პირია, ყველგან მას უპოტინებენ ხელს, ყოველი მხრით მას ეხვეწებიან ხსნას და შეეღოს.

მაგრამ ამავე დროს ყველამ იცის, რომ „მუქ-თად გასჯა არ ეკადრება ასეთს ხელმწიფის სწორ კაცს“. და აი—სწორედ ამაშია საიდუმლოება მისი დაუღვევლი ნადიმებისა, ამაშია საიდუმლოება თუ რით ასაჩუქრებს და რითაც იყოლიებს ის თავის ნებაზე მთელი მაზრის პოლიციას!

მართალია, ის მექრთამე არ არის, მაგრამ როგორც „ბიძაშვილმა—გაზრდილს“ ისე თუ ჰკადრეთ რამე, ვითარცა ქეშმარიტი მიმღევარი ეროვნული ტრადიციებისა—უარს არ იტყვის.

„მედღენს“ როგორ ეკადრება გაცუდებოა—ამბობს ის ძველებურად და იმდენად უფრო მარ-დად „დატრიალდება“, რამდენად უფრო „რიგიანი“ იქნება ძღვენი.

და უნდა ესთქვათ სიმართლედ, რომ მისი „და-ტრიალება“ არასოდეს არ ჩაივლის უნაყოფოდ!

აბა რომელი მოხელე გაუტეხს მას ხათრსა? არც ერთი! და ეს გარემოება იცავს ჩვენი პატივ-ცემული აზნაურის ავტორიტეტს. ამ გარემოებით სარგებლობა შეადგენს მის პროფესიას. ასეთი პროფესია წარმოუდგენელია უცხოელთათვის, მაგრამ ჩვენში კი საპატიოა, და იქნება კიდევაც საპატიო—სანამ არის ქურდობა.

ჯერ კი ჩვენს პატივცემულ აზნაურსაც არ შე-ლევიან „კარგი მეძღვენი“. სანამ არიან მეძღვენი—ხომ უზრუნველ-ყოფილია მის ოჯახში ძველებუ-რი პურ-ღვინო; ძველებური გულ-უხვობა! ამით კი გავლენა მაზრის მოხელეობაზე... სანამ კი აქვს გავლენა—იგი ყოველთვის მოგებულა...

თითო საჩუქარი—რომელიც მიუერთებია მის-გან თითო პრისტავს—ორად და სამად ინაზღაურებს თავის საღირაოს.

ეს არის არაჩვეულებრივი ქართული ანგარიში, მაგრამ მაინც ანგარიში და ზარალს არ იძლევა!

ესლა ომიანობამ სულ მოუშართა ხელი არ არის ისეთი მოხელე, რომლის „შემაველად“ არ ითვლებოდეს ჩვენი პატივცემული აზნაური სხვა და სხვა საქმეებში“...

ის ესლა მომეტებულად ხელგაშლილია: სჩანს წყაროც ამისთვის უფრო გაძლიერდა!

მისთან უნდა ვაღიაროთ, რომ ბედიც ყოველ-თვის მის მწყალობელია... მის თავზე ირიცხება არა ერთი ადამიანის სისხლი, მაგრამ ის ყოველთვის გამომძვარა ისე, რომ „საქვეყნოდაც არასოდეს არ გახდომია საქმე“.

ამაზე მოწიწებით ამბობენ მისი თაყვანის მცე-მელნი, მხოლოდ თვით აზნაური განზე წაწევით წაილაპარაკებს ხანდახან:

— რუსის კანონი ძალიან კარგი კანონია ძმაო... რაც გინდა ჰქენი!.. თუ მოწმე არ დაგესწ-რო, თავისუფალი ხარ... ასეთი კანონი თავისუფ-ლება ვინც კი ვარგა!..

მართლა რომ სიმპტომატიურია მისი სიტყვები!

თუ ვისმე უნდა სიავე—კანონი ამის დაბრკო-ლებას არ შეადგენს. მხოლოდ სიკეთე, რატომღაც არი—არ ურიგდება კანონს!..

1916 წ.

## II. ვ ე ლ ს.

ამ ხანად როგორც ჩემს მიერ სოფლიდან მი-ღებულ წერილიდან სჩანს, ხსენებულ ვაჟბატონს „რა-დაცა უფროსობაც კი მიუღია“. აღბად ის კომი-სარია ან რომელიმე კომიტეტის თავმჯდომარე, სწორედ რომ ღმერთიც იმისთვის არის და ხალხიც!

აქამომდი პრისტავების მეგობრობა ესაჭიროე-ბოდა თავისი მიზნის მისაღწევად, ესლა კი თითონ არის პრისტავი; აქამომდი სხვებსაც უყოფდა თავის მოგებას ესლა კი—არაფინ ჰყავს მოცილედ. აი ვის ამოასუნთქვია თავისუფლად რევოლიუციამ!

იმავე წერილში ვკითხულობ: „არავითარ-ცვლილება არ მომხდარა შენი ქირიმე... შენი ნაც-ნობი აზნაური რავაც იყო ისე არის ესლაც... მის სხლში ძველებურად შეუწყვეტელი დარბაზობა და მხიარულებაა, მხოლოდ უფრო ძლიერი, უფრო გაშმაგებული, ვიდრე წინად“...



აგრეთ ბატონებო, და მაგონდება მე ეხლა ერთი ჩემი ბაასი ამ პატიოსან გემთან. ლაპარაკი შეეხებოდა ძველს მთავრობას, მაშინ კიდევ ძლიერ-მოსილს.

— მთავრობის წარმომადგენელთა ავტორიტეტს—ბრძანებდა ის—იცავს მექრთამეობა... თუ მოხელემ უარჰყო ქრთამი, ხალხი მისი სიუძღურით ახსნის მას... „სჩანს არაფრის გაკეთება შესძლებიაო“ იტყვიან სოფელში... ეპვიც შეეპარებათ მისი ღირსებაში და პატივისცემაც დაეკარგებათ მისდამი...

დღეს ის თითონ არის დამცველი მთავრობის ავტორიტეტისა და როგორც სჩანს საუცხოოდ იცავს კიდევაც...

ამბობენ ერთმა კომისარმა მოხსენებაც შეიტანა, სადაც ჯერია, კომისართათვის პაგონების აუცილებელ საჭიროებაზეო.

— ამას გვიკარნახებს მოთხოვნილება ახალი მთავრობის პრესტიჟის დაცვისა!—სკენის თურმე ავტორი, სანიძლას დავდებ, რომ ეს მომხსენებელი არის ჩვენი ნაცნობი აზნაური. მისთვის პაგონები სწორედ სახეიროა!

1917 წ.

თარაში.



## შ ა რ ა ლ ა

დადგა დრო სანეტარო,  
დრო იშვიათი,  
როდესაც შარადის  
საგანი დიადი,  
შაგ-ბნელსა ძაღლებსა  
რისხვად მოველინა,  
მათ ნაშენ-საკნებში  
მათვე მისცა ბინა.

—  
ყერ ნახვით თქვენ ისეთს  
სულიერს არსებას,  
რომ ის მას პირველი

უთუოდ არ ებას.  
მისგან მიუღო ორგანიზმს  
ეძლევა ტონია,  
(ამას ვერ უარყოფს  
ვერაინ მგონია).  
თანამდებობასაც  
ჰქვია ეს სახელი,  
ვართ ქალაქებშია  
ჩვენ მათი მნახველი.

—  
ხალხისგან მეორით  
აღჭურვილები  
არიან ეს მისი

„ღვიძლი“ შეილები.  
იმ მიზნით, რომ იმათ  
ხალხზევე იზრუნონ  
და ქირში იმისგან  
პირი არ იბრუნონ.  
მაგრამ ცხოვრებაში  
სულ უკუღმა ხდება,  
ხალხისთვის მათგანი  
არავინ სწუხდება.

—  
ნიკოსაც ჰქონდა ის  
შემოუფარგლავად,  
რითაც მან რუსეთი  
აქცია საფლავად.  
მაგრამ მადლობა დამერთს,  
მას ბოლო მოეღო,  
თვის დაგებულ ანკესს  
თვითვე წამოეგო.  
ამ ორ სიტყვების  
შესაკავშირებლად  
ერთ თანხმოდან ასოს  
გავიმეტებთ მსხვერპლად.

—  
ჩვენ თუ გადავხედავთ  
ჩვენ მეზობელ ერებს,  
ერთი იმათგანი  
აქ ჩვენ შეგვაჩერებს.  
ჩვენს „მამულიშვილებს“  
ეკლათ უჩანსთ თვალში,  
(ექსორს უპირებენ  
ახლო მომავალში).



ამ ერის სახელს ჩვენ  
 ვსწერავთ სამი მარცვლით  
 და თუ მას სულ წინა  
 ანბანს ჩამოვაცლით,  
 ამ ანბნით გადავსწყვეტთ  
 შარადის კითხვასა,  
 შევავერთებთ რა მით  
 იმ ორსა სიტყვასა.

კახი.

# თ ს ო მ ნ ა

(აწიერ-კავკასიის რკინის გზათა მთავარ სახელოსნოს  
 მუშეებისადმი, ამავე სახელოსნოს ყოფილ უფროსის  
 სურჟინისა)

მუშებო! თქვენ არა გითქვამთ რა იმ „მობილი-  
 ზაციონი“ ფულის შესახებ, რომელიც მე ნაღების მო-  
 სახდელათ „უპრავლენიაში“ სრულ წელიწადს  
 მქონდა შეჩერებული და შეიდას მანეთზე კი „ქეშ-  
 ტი“ მომავით სახელოსნოდან.

მუშებო! თუ მე თქვენ ერთხელ გაწყენით,  
 სანაგიეროთ 1905 წლიდან სულ თქვენ სასიამოვნო  
 საქმეებს ვშვებოდი, გიწყობდით ისეთ შორეულ  
 ექსკურსიებს, როგორიც არის ციმბირი; იქ მოგზა-  
 ურობას ასი თუმანი არ ყოფნის და მე კი ხაზი-  
 ნის ხარჯით წელიწადში ასობით ვგზავნიდი მუშებს.  
 მართო ეს სიკეთე დაჰფარავს ზევით ნათქვამ პატა-  
 რა ცოდვას?!

მუშებო! ნუ დაივიწყებთ პურ-მარილს, ნუ და-  
 ივიწყებთ თქვენ მიერ ჩემთან მოტანილ ინდაურებს,  
 ქათმებს, ბატებს და იმერულ ხაჭაპურებს! მოიგო-  
 ნეთ თავისუფლების პირველი დღეები: რა გულიანათ  
 გართმევდით ხელს. როგორ ახლოს ვიდექი მარსე-  
 ლიოზის მოსიძღვრებთან, რამოდენა წითელა ბანტი  
 შეკერა გულზე, მოიგონეთ ყოველივე ეს დარწმუნ-  
 დით ჩემს ერთგულობაში და მიმიღეთ ამხანაგათ.

პატივისცემით ყოფილიუფროსი სურჟინი.

ძამია.

# სადღეისო კუჭლეტები

მეფეს და მის დამკაშებს  
 ხალხი ფეხზე ეკიდა.  
 მას უგებდა მახესა,  
 თვითონ ჩამოეკიდა.

ეს კი მათთვის ძნელია,  
 დღესავით ნათელია.  
 უჰ, ერთობის ჭირიმე,  
 ხალხის გამომხსნელი!

ახნაურ-მემამულეს  
 მიწა ჩამოერთმევა,  
 მოქალაქეთ ჩარიცხვენ,  
 წოდებაც აერთმევა.

ეს კი მათთვის ძნელია, და სხ.  
 მღვდლები გააცალკევეს  
 და დაუდგეს საზღვარი:  
 ხალხში ვისაც სჭირდება  
 მათ აძლიონ ქანქარი.

ეს კი მათთვის ძნელია, და სხ.  
 მთავრობადის ხალხს შორის  
 აღარ სუფევს კედელი...  
 სთხოვენ იყვენ მოკეთე  
 საქმის გამკეთებელი.

ეს კი მათთვის ძნელია, და სხ.  
 ვაჭრებს გული წაუხდა,  
 არ ყოფნისთ მოსაგები,  
 სადაც ხარობს კავშირი,  
 იქ ნახეს წასაგები.

ეს კი მათთვის ძნელია,  
 დღესავით ნათელია.  
 ეჰ, ერთობის ჭირიმე,  
 ხალხის გამომხსნელი.

კირკა.





# პარტიული იმიტაცია

ჩემდა სასახლოთ უნდა ითქვას, რომ მე ძალიან მიყვარს ჟურნალ-გაზეთების კითხვა, და თუმცა ყოველ პარტიის გარეშე ვდგავარ, მარა მაინც რალაც ინსტიტუტურათ მხალობსებს ჩვენში პარტიების ზრდა-განვითარება. ამას წინეთ ის იყო გადავიკითხე ბ-ნ ივანე გომართლის წერილი ტერიტორიალურ ავტონომიის შესახებ, რომ უეცრად ჩემს თვალს უზარმაზარი ასოებით დაწერილი სტრიქონები მოხვდა გაზეთ „სახალხო ფურცელზე“. მე ცნობის მოყვარეობით მივსწვდი გაზეთს და წამსვე ამოვიკითხე შემდეგი:—„ჩოხატაურის სოციალისტ-ფედერალისტთა—სარეგულიციო პარტიაში ჩაწერა სწარმოებს შემდეგ პირებთანა — ჩემი სიხარული საზღვარს გადასცდა, როდესაც იქ წავიკითხე: „1) ექიმ არევე—თან. 2). კ. ბერ—ან, და ვ—ღამ—ან —საკუთარ ბინაზეო“. მე სიხარულის ტალღებში შევტოპე, ვინაიდან არ მეგონა, თუ ასეთის ელვის სისწრაფით მოედებოდა ეს მცნება ჩვენს დაბას. მე მიყვარს ბ-ნი ექიმი არა მარტო იმიტომ, რომ ის ფედერალისტი, არამედ იმიტომ, რომ მან ზეპირათ იცის აპერაცია (თუმცა არ უყვარს ტანცი-მანცია) და მეც მისი პაციენტი ვარ. როდესაც მე ზემორე აღნიშნული სიტყვები ამოვიკითხე წამსვე გავეშურე ჩ—კენ ფედერალისტთა პარტიაში ჩასაწერათ. რალაც ავტომატიურად სწორეთ საავთმყოფოს კარებს მივადექი და ბ-ნი ექიმი ვიკითხე. მოსამსახურემ მიპასუხა—აი აქ, ამ ოთახში ავადმყოფებს ღებულობს და საცა არის განთავისუფლებოა. მეც გულის ფანქალოთ მოველოდი მის შეხვედრას. კარგა ხნის ლოდინის შემდეგ მოთმინების ფილა აივსო და კარები შევადე.

- სალაში ბ-ნო ექიმი—შევსძახე მე.
- СЪ добрымъ утромъ —მიპასუხა მან.
- თქვენ რას იტკენთ ყმაწვილო—მკითხა მან.
- არაფერი ბ-ნო, მხოლოდ ნება მიბოძეთ თქვენს პატივცემულ აპრტიაში ჩავეწერო.
- სოციალ-დემოკრატიულ პარტიაში ჩაწერა აქ არ შეიძლება—ჩაილაპარაკა მან.
- მე, ბ-ნო ექიმი, თქვენს პარტიაში ჩაწერა მსურს.

— აჰაა... ჩვენს პარტიაში, თქვენ ალბათ „სახალხოში“ ამოვიკითხავდით ჩვენს რეკლამას.

— დიახ სწორეთ იქ წავიკითხე.  
 — მართალია ყმაწვილო ჩვენ ფედერალისტები ვართ და დიდ ყურადღებასაც ვაქცევთ ტერიტორიალურ ავტონომიას, მარა ისეთი ძლიერი ვერ ვართ როგორც ჩვენი დასელები, მათი ლაშქარი ძლიერია და არც ძალია შეგვეწვეს მათ გაუშკოვადეთ.

— მართალი ბრძანებაა ბ-ნო, დასელები ძლიერია, მარა ამ უკანასკნელათ მეგონი თქვენი პარტიაც გაძლიერდა.  
 — ჩვენი პარტია რომ გაძლიერდა ამას ყმაწვილო ისიც ამტკიცებს, რომ სახალხო მიტინგზე პატლომა ს. ძემ თავისი მისასალმებელი სიტყვა სოციალისტ-ფედერალისტის სახელით სთქვა. აი თუ გნებავთ ჩვენი პარტია: 1) მე 2) კ. ბ—ძე 3) ლ—ძე 4) ს. ბ—ძე და 5) გ. თავ—ძე. მე ვიცნობ ბ-ნო ექიმი მათ, ისინი ნამდვილი არჩილ ჯორჯაძის სატრფილო ინტელიგენტები არიან.

— დიახ ყმაწვილო, ინტელიგენცია—ეს მთავარი მამოძრავებელი ძალია და უდიდესი მკურნალია ერის წყლოლის განსაკურნათ აღმოჩენილი; ნეტავი თქვენც ინტელიგენტი იყვეთ, მაშინ თამამათ შეიძლება თქვენი ფედერალისტობა, ეხლა კი...

— ბ-ნო ექიმი, მე მინდა მართლა ვიცოდეთ თუ თქვენის მეთაურობით არსებობს აქ წრე, რომელშიაც შეიძლება პარტიული მუშაობა.

— ასეთი წრე ყმაწვილო ჩვენ არ გავაჩნია და არც დრო გვრჩება იმდენი მუშაობისათვის; შეგიძლიათ თქვენ თანაუგრძნოთ ჩვენს პარტიას წრეს გარედაც.

— ეს ყველა ქეშმარიტებაა ბ-ნო ექიმი, მაგრამ მე უფრო წრეებში მუშაობა მიმაჩნია სასურველათ, როგორც დასელები შერებთან.

— აი სწორეთ ჩვენც ამიტომ აღვნიშნეთ გაზეთის ფურცლებზე, რომ გვინდოდა მათსავით მოგვეწყო, მარა ამისთვის არც მასლა და არც უნარი ჩვენ არ ამოგვიჩდა.

გმადლობ ბ-ნო ექიმი, ნახვამდის, მე ვეცდები გაინტელიგენტებას.

„გურული ბიჭი“.



# რა ღლე დამიდგა

ძმაო ეშმაკო! რა ღლე დამიდგა,  
 გამექცა ჩემი საცოლო ნინო!  
 მინდა რომ ჯავრი გადავიყარო  
 და ვერსად ვპოვე სვირული ღვინო.  
 ვისთანაც მიველ „სამიკიტნოში“,  
 ყველამ დამიწყო ეჭვით ყურება;  
 ეუთხარ: „ესდეკი“ არა ვარ-მეთქი,  
 მაგრამ არავის არ ეყურება.  
 ერთმა „ტუტუტუმა“ იცი რა მითხრა?!  
 — ფერზე გეტყობა „ესდეკი“ ხარო,  
 ალბათ მკლი, თორემ მშვენიერათ ვხედავ,  
 შენ ღვინის მსმელათ არ ვარგებხარო.  
 მესმის, რომ იყო სხვათა ბანაკის,  
 შენ გექნებოდა ცხვირი წითელი  
 და ლოთიანად შემომძახებდი:  
 „მომეცი ღვინო, ვარ მისი მსმელი“.  
 მეც რალა მეთქვა? დავაღე ხახა  
 და ვიარები ვერე, ტანჯული...  
 ეშმაკო ეგებ მიშოვნო ღვინო  
 და რაც გენებოს აიღე ფული...  
 ხვასტუნოვი.



# მოწყალო სელფიფეე

ბ-ნო ეშმაკო! \*)

„ანუ რასა ხედავ წვილს, თვალს  
 შინა ძმისა შენისას და დვირეს თვა-  
 ლსა შინა შენსა არა კანიდღი. ანუ  
 ვითარ ჭრქვა ძმას შენსა: მცადა და  
 აღმოვიდა წვილი თვალისგან შენისა:

და აჭა ეგერა დვირე თვალს შინა შენ-  
 სს. ორგულა! ამოიღე ზირეულად  
 დვირე თვალისგან შენისა, და მშინ  
 იხილა აღმოვიდა წვილისა თვალისგან  
 ძმისა შენისა“.

## სახარება მათესი თავი 7.

ბ-ნო ეშმაკო! ბავშებს თუ შინა, ტაბლას გარეთ რა  
 უნდა?! თქვენი მათრახის სიმწვავე, რომელსა სწორი გზის  
 გადასვლას არ იკრძალვ. სახარებათ, ზურგები ისევ და-  
 ლურჯული აქვთ. მაგრამ თუ კანტორასშიაც („გა-  
 ნათლებს“ „ში) სწორე გზის გადასვლას უფიქრად ეს კი  
 არ ვიტყვით. აი უური დამოკლეთ: მე ვიყავი კანტორა  
 „განათლებს“ „ში და იქ ერთს ცილინდროსს ვკითხე—  
 „ეშმაკის მათრახი“ წლიურად რა ღირს მეთქი?—მგანი  
 რვა (8) მანეთიაო“ მე ამოვიღე რვა მანეთი და იქვე  
 მჯდამ ეშაწვილ კაცს მივეცი. მანაც ერთი წლით „ეშმაკის  
 მათრახი“ გამომიწერა: ბარათი გადმომცა, რომელიც მე  
 მაქვს შენსუდი.

უთხარით ბ-ნო ცილინდროსს, რომ „ტყაპუჭაში“  
 გამოხეუელს გაძარცვა (?) გი არ უნდოდაქოთ, არამედ  
 უფრო გამხსნეულებს, ნუგაშის ცემა, ათასი დარბება, თ-  
 რემ ბ-ნო, ეშმაკო, ვფიცავ ალლაჭს მე ის მანეთი (მეტ  
 თუ ხაკლები) ისე არ მაჯავრებს, როგორც დანინვა და ვინ  
 იცის ჩემს იქით კიდე ვინმე „ფარჯიანი“ ამეტყვე-  
 ლს როგორც მე. თუ გრძობის ინტერესი აქვს, გა-  
 მოუეზავნი რა გაწეობას, „ვეულებური“ გაძვირდა“, უს-  
 ფები უფუფიფის ხიხის ზეით ჭეიდიან ხორცს.

აგრეთვე ვითხოვ კანტორა „განათლებს“ გამო-  
 მიგზავნოს ეშმაკის მათრახის ორი ნომერი №№ 10 და  
 12, რომელიც მშინ კანტორაში არ იყო რადგანაც  
 აკენტებთან გაეგზავნა და არ დაბრუნებულყო.

პატვისცემით ლადო შიცხელაური.

აგრეთვე ვითხოვ ჩემს მისამართზე დასწერბ  
 ფიცხელაური და არა ფირცხალავა.

ლ. ფ.



\*) პატვი მეცით და ეს წერილი სულ წაიკითხეთ. ლ. ფ.



# ფო ს ტ ა

„ეშმაკის ჯორს“. თქვენი „სცენისათვის“ ჯორი მალალი საფეხურია.

ლვითრის პირელს. თქვენს ლექსებშიც გაუგებრობაა.

„კვლავ ვათენდა დღე მშვენიერების, ბუღბუღომა თვისი პანგები სქექა, და წამოისხა დამაშვრალთაა სიმართლის დროშა, მბრწყინავი თექა“.

გამოსარკვევია ვინ წამოისხა „თექა“ ბუღბუღომა, თუ სხვამ ვინმემ.

ალო-უნურს. არ დაიბეჭდება.

ისელის. თქვენი წერილი „სახარებისა საკითხავი“, მართლაც რომ საკითხავია, რადგან ავტორის ვინაობა არ აწერია.

შალას. სცენა არ დაიბეჭდება.

გრიმს. თქვენ იწერებთ: „შარადისებურს“ ვარკვევ ამ წერილს იმ მოსახრებით, რომ ყველა საჭირო სიტყვები ნათლათ არის ნაჩვენები, რადგან ამ მომენტის დროს შარადის ახსნისთვის დროს კარგვა წყლის ნაცვა იქნება“.

ჩვენის აზრით მოსაწონი არ არის არც „მელნის ნაცვა“ ასეთ შარადისებურის წერაზე.

კოდალას. თანამოზიარე ვართ თქვენი მწუხარებისა, ვინაიდან გარდაიცვალა ორივე თქვენი ლექსი. დავასაფლავეთ „სარედაქციო პანთეონში“.

ე—კი.

ყოველ-კვირული იუმორისტული გამოცემა

# მ შ მ ა მ რ ი ს

მიიღება ხელისმოწერა 1917 წლისათვის

ჟურნალის ფასი: 12 თვით 7 მ. —  
6 თვით 4 მ. — კ.  
3 თვით 2 მ. — კ.  
1 თვით — 70 კ.


ეშმაკის მათრახში დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვევებიდა სხვა.

ჟურნალის სამხატვრო და სალიტერატურო მხარეს განაგებს ე შ მ ა მ რ ი ს, ხოლო გამოცემის საქმეს ანატორა „გ ა ნ ა თ ლ ე გ ა“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და ფული ამ აღრესზე: გამოიგზავნონ Тифლისь, С. Р. Таварткиладзе, Ольгинская, 6 поч. ящ. № 96.



## ერთი მათგანი



ეგ სურათი ტრადიკულათ გარდაიცვალა გასული წლის მიწურულ-ში. ჩვენ ის უწარწეროთ ვაფგზანეთ ბრძოლის ველზე და არ დაემა-ლოეთ, განზრახვა გვექონდა ამ მანევრით შეცდომაში შეგვეყვანა ჩვენი მოწინააღმდეგე. მაგრამ ამაოდ. ცენზორმა პირველ შეხედვისათანავე იცნო ცხვრის ტყავში გახვეული მგელი, ჩაჰკრა მას და უსულოდ დასცა ბრძოლის ველზე. (აქა მკითხველი უნდა აღგეს და აღგომით პატივი სცეს თავისუფლებებისათვის ბრძოლაში დაცემულს.)

ის მოკვდა ვერაგი მტრის მახვილით, მაგრამ არ მომკვდარა ის იდეა, რომელსაც განსვენებული ემხრობოდა. აბოზოქრებულმა რევო-ლიუციამ დაამზო და სხ. და სხ.